

տիվի անունից հավաստիացրին, որ կանգնեմ ամեն ինչ, հայրենի գիտության հետագա զարգացման ու բարգավաճման համար: Վերջում ընթերցվեցին ՍՍՀՄ ԳԱ մաթեմատիկայի, ՀՍՍՀ ԳԱ մաթեմատիկայի և ֆիզիկայի և աստղագիտության ինստիտուտի հասցեով ստացված բազմաթիվ շնորհավորագրեր:

#### ԳԻՏԱԿԱՆ ՆՍՏԱՇՐՋԱՆ ՆՎԻՐՎԱԾ ՀԱՂԹԱՆԱԿԻ 25-ԱՄՅԱԿԻՆ

ՀՍՍՀ ԳԱ պատմության ինստիտուտի մայիսի 8-ի գիտական նստաշրջանը նվիրված էր Հայրենական մեծ պատերազմի հաղթական ավարտի 25-ամյակին: Բացելով նիստը, ինստիտուտի դիրեկտոր, պատմական գիտությունների դոկտոր, պրոֆեսոր Գ. Ա. Գալոյանն անդրադարձավ ֆաշիստական Գերմանիայի դեմ սովետական ժողովրդի տարած հաղթանակի պատմական նշանակությանը:

«Սովետական Միության դերը հակաֆաշիստական բլոկի հաղթանակի գործում» թեմայով զեկուցեց պատմական գիտությունների դոկտոր, պրոֆեսոր Ա. Մ. Հակոբյանը: Ջեկուցողը ցույց տվեց, որ երկրորդ համաշխարհային պատերազմում ՍՍՀՄ խաղացած վճռական դերով էին պայմանավորված իմպերիալիստական պատերազմի վերաճումը ազատագրական, ֆաշիստների կողմից օկուպացված երկրներում ծավալված դիմադրական շարժումները և մի շարք ժողովուրդների ու պետությունների հակահիտլերյան կռաւիցիայի ստեղծումն ու ամրապնդումը: Այնուհետև պրոֆ. Ա. Մ. Հակոբյանը քննադատեց ֆաշիզմի ջախջախման գործում Սովետական Միության դերը նսեմացնող արևմտյան ռազմագետներին ու պատմաբաններին:

Պատմական գիտությունների դոկտոր, պրոֆեսոր Ա. Ն. Մնացականյանի զեկուցումը նվիրված էր հայ ժողովրդի մասնակցությանը Հայրենական մեծ պատերազմին: Ջեկուցողը նշեց, որ հայ ժողովրդը թե՛ ռազմաճակատում և թե՛ թի-

ժողովի մասնակիցները միաձայն ընդունեցին ողջույնի մամակ՝ ուղղված ՍՍԿԿ ԿԿ-ին, ՍՍՀՄ Միեմիստրների սովետին, ՍՍՀՄ Գերագույն սովետին ու ՀԱՄԿԻՍ-ին, ինչպես նաև ՀԿԿ Կենտկոմին, ՀՍՍՀ Միեմիստրների սովետին, ՀՍՍՀ Գերագույն սովետին և ՀԱՄԻՍ-ին:

Կումքում իր ուժերի գերագույն լարումով մասնակցեց Սովետական Միության Հայրենական մեծ պատերազմին, դրսևորելով իր բարոյական բարձր հատկանիշները: Նրա խիզախ զավակներն էրբեք այնպիսի զանգվածային հերոսություններ չէին կատարել, ինչպես մեծ Հայրենականի օրերին: Նրանցից 108-ը արժանացան Սովետական Միության հերոսի բարձր կոչման, ուվելի քան 88. 802 հայ ռազմիկներ պարգևատրվեցին մարտական շքանշաններով ու մեդալներով: Ջեկուցման վերջում պրոֆ. Ա. Ն. Մնացականյանը խոսեց Հայրենական մեծ պատերազմում Սովետական Հայաստանի թիկունքի աշխատավորության ներդրած ավանդների մասին:

Հայրենական մեծ պատերազմում գերմանա-ֆաշիստական զավթիչների դեմ սովետական ժողովրդի տարած պատմական հաղթանակում մեծ ու փառավոր է եղել նաև պարտիզանական շարժման դերը,— նշեց պատմական գիտությունների թեկնածու Ե. Մ. Խալեյանը: Պարտիզանական շարժումը համարելով հայ ժողովրդի գոյատևման դարավոր պայքարի հիմնական ձև, զեկուցողը ցույց տվեց, որ 1941—1945 թթ. մեծ թվով հայ պարտիզաններ մարտնչել են Ուկրաինայում, Բելոռուսիայում, Դրինում և Հյուսիսային Կովկասում: Այս, նա անդրադարձավ հայկական առանձին պարտիզանական ջոկատների ստեղծմանը և հայ պարտիզանների քաջագործություններին:

ԳՆԵԼ ԳՐԻԳՈՐՅԱՆ